

na postupak i način rada Apelacionog suda Brčko distrikta BiH, prilikom rješavanja pitanja imuniteta u krivičnom i parničnom postupku.

Član 2 (Pozivanje na imunitet)

- (1) Lice koje smatra da ima pravo na imunitet, može se na to pravo pozvati na zapisnik u toku postupka pred Osnovnim sudom Brčko distrikta BiH, Apelacionim sudom Brčko distrikta BiH i Tužilaštvom Brčko distrikta BiH.
- (2) Ukoliko se lice iz stava 1 pozove na imunitet u toku postupka koji se vodi pred Osnovnim sudom Brčko distrikta BiH ili Tužilaštvom Brčko distrikta BiH, zapisnik o pozivanju na imunitet će se bez odlaganja dostaviti Apelacionom sudu Brčko distrikta BiH, koji će odlučiti o pravu lica koje se pozvalo na imunitet.
- (3) Lice iz stava 1 ovog člana dužno je priložiti dokaze kojima potvrđuje da se radi o licu koje ima pravo imuniteta.
- (4) Apelacioni sud Brčko distrikta BiH je dužan zatražiti od suprotne stranke da se izjasni o pravu stranke koja se poziva na imunitet i nakon toga donijeti odluku iz člana 5 ovog pravilnika.

Član 3 (Pozivanje na imunitet pismenim prijedlogom)

- (1) U toku postupka, lice se može pismenim prijedlogom pozvati na imunitet i van ročišta (u daljnjem tekstu: prijedlog).
- (2) Prijedlog se podnosi onom organu pred kojim se vodi postupak ili neposredno Apelacionom sudu Brčko distrikta BiH.
- (3) Lice koje se poziva na imunitet dužno je podnijeti prijedlog u dovoljnom broju primjeraka za sud i suprotnu stranku, te uz isti priložiti dokaze iz člana 2 stava 3 ovog pravilnika.
- (4) Apelacioni sud Brčko distrikta BiH će po prijemu, prijedlog s dokazima dostaviti suprotnoj stranci radi izjašnjenja u roku od tri dana od dana prijema.
- (5) Po proteku roka iz stava 4 ovog člana, Apelacioni sud Brčko distrikta BiH će odlučiti o pravu lica koje se poziva na imunitet.

Član 4 (Rok za pozivanje na imunitet)

Lice koje smatra da ima pravo na imunitet, može se na to pravo pozvati do okončanja glavnog pretresa u krivičnom postupku, odnosno do zaključenja glavne rasprave u parničnom postupku.

Član 5 (Donošenje odluke)

- (1) O pravu lica koje se pozvalo na imunitet odluku donosi Apelacioni sud Brčko distrikta BiH.
- (2) Odluku iz stava 1 ovog člana donosi sud u vijeću sastavljenom od trojice sudija, u roku od petnaest dana od dana prijema zapisnika o pozivanju na imunitet, odnosno pismenog prijedloga.

Član 6 (Nadzor)

Nadzor nad primjenom ovog pravilnika vrši Pravosudna komisija Brčko distrikta BiH.

Član 7 (Stupanje na snagu)

Ovaj pravilnik stupa na snagu osmog dana od dana objavljivanja u Službenom glasniku Brčko distrikta BiH.

Član 8 (Stavljanje van snage)

Stupanjem na snagu ovog pravilnika stavlja se van snage Pravilnik o načinu rješavanja imuniteta broj: SuPK-73/05 od 24. 10. 2005. godine.

Broj: SuPK-03-1032/20
Brčko, 25. 09. 2020. godine

**PREDSJEDNIK
PRAVOSUDNE KOMISIJE**
Safet Pizović, s. r.

816

Pravosudna komisija Brčko distrikta BiH, na osnovu odredbe člana 14 stava 1 tačke n) i člana 19 Zakona o Pravosudnoj komisiji Brčko distrikta BiH (Službeni glasnik Brčko distrikta BiH, br.: 19/07, 20/07 i 02/08), na 218. redovnoj sjednici održanoj 25. 9. 2020. godine, donosi sljedeći

POSLOVNIK O DOPUNI POSLOVNIKA O RADU PRAVOSUDNE KOMISIJE BRČKO DISTRIKTA BOSNE I HERCEGOVINE

Član 1

U Poslovniku o radu Pravosudne komisije Brčko distrikta Bosne i Hercegovine (Službeni glasnik Brčko distrikta Bosne i Hercegovine, br.: 38/08 i 23/17), u članu 14 dodaju se stavovi 2 i 3 koji glase:

„(2) U izuzetnim okolnostima, sjednica se može održati i telefonskim putem ili putem interneta.

(3) Sjednice putem interneta održavaju se putem prihvatljivih internet aplikacija (Skype, Webex i sl.) koje omogućavaju govorno i vizuelno uvezivanje svih članova“.

Član 2

Ovaj poslovnik stupa na snagu danom donošenja, a objavit će se u Službenom glasniku Brčko distrikta Bosne i Hercegovine.

Broj: SuPK-03-1147/20
Brčko, 25. 9. 2020. godine

**PREDSJEDNIK
PRAVOSUDNE KOMISIJE**
Safet Pizović, s. r.

817

Pravosudna komisija Brčko distrikta Bosne i Hercegovine, na osnovu odredbe člana 14 stava 1 tačke n) Zakona o Pravosudnoj komisiji Brčko distrikta Bosne i Hercegovine (Službeni glasnik Brčko distrikta Bosne i Hercegovine, br.: 19/07, 20/07 i 02/08) i odredbe člana 9 Pravilnika o unutrašnjoj organizaciji i sistematizaciji radnih mjesta u pravosuđu Brčko distrikta BiH (Službeni glasnik Brčko distrikta BiH, br.: 13/19 i 19/19), na 218. redovnoj sjednici, održanoj 25. 9. 2020. godine, usvaja sljedeći

PRAVILNIK O DOPUNI PRAVILNIKA O UNUTRAŠNJOJ ORGANIZACIJI I SISTEMATIZACIJI RADNIH MJESTA U STRUČNOJ SLUŽBI PRAVOSUDNE KOMISIJE BRČKO DISTRIKTA BiH

Član 1

U Pravilniku o unutrašnjoj organizaciji i sistematizaciji radnih mjesta u Stručnoj službi Pravosudne komisije Brčko distrikta BiH (Službeni glasnik Brčko distrikta BiH, br.: 20/19, 33/19 i 26/20), u članu 7 tački c) alineji 1 u opisu poslova radnog mjesta stručnog saradnika za pravne poslove i evropske integracije iza riječi: „obavlja sve stručne i administrativne poslove iz nadležnosti Pravosudne komisije koji se odnose na stečajne i likvidacione upravnike“ dodaju se riječi: „prati praksu Evropskog suda za ljudska prava i Ustavnog suda BiH, izvještava sekretara Pravosudne komisije i predlaže normativne aktivnosti iz nadležnosti Pravosudne komisije,“.

Član 2

Zadužuje se Stručna služba Pravosudne komisije Brčko distrikta BiH da u roku od 60 dana od dana donošenja ovog pravilnika uradi prečišćeni tekst Pravilnika o unutrašnjoj organizaciji i sistematizaciji radnih mjesta u Stručnoj službi Pravosudne komisije Brčko distrikta BiH.